

1964-65
(Pietro Pietra)

40°

Buna sira a Voi tûc, cari siuri;
n'atra anáda l'è bela che andácia,
e l'è 'n pes ch'a s'avgúma pû 'n facia:
a l'è stac l'an pasà, d'isti dì.

E d'anlúra, ant'el mond, che facéndi...
Quonti robì ch'iè stac ant'in ani!
E quont'acqua, che suta 'l pont 'd Tani,
l'è pasáia e l'è 'ndácia 'nt el mar.

Ui cuntínua a Ruma 'l Concilio
con el Papa e i Vêscuv presenti:
e 'nt el mond stúma tûc ben da senti
se ch'i disu, perchè l'è impurtont.

U nost Papa l'è stac fina an India
al Congresso Eucaristico, sevi,
'n mes ai vêscuv, ai frà e ai previ,
ma 'nche an mes a tonc pover mischè;

Perché Lû, u sucesùr del Mesia,
al vo fè 'd tût el mond 'na cà sula.
(Meno male cu jè i "jet": acsè us vula
e us fa prêstu a rivè 'nche luntòn).

U iè mort cul sant'om du nost Vêscuv
quond ca l'era al Concilio, a Ruma,
e noi, 'dès, suma chi ca spiciuma
ad cunosi u so degn sucesùr;

Mort in vêscuv 's na fa semp in ater,
ma 'sca lè, csì ispirà 'n tûc i afari,
per la gent l'era propi in bon pari
e l'è 'posta ch'us pò nent smentiè;

L'ha mostrà c'me ch'us viv, Munsieur Gagnor,
con na vita 'd prûdensa e 'd giústisia,
ant in mond ad gnuronsa e 'd malisia
l'ha lasà 'n bon esempi per tûc.

J'uma avì gli elesiòn, an Italia:
prupagonda da mat pr'ogni lista:
vutla ciara! No, cula! No, ista!
Us capiva pi gnente, du tût!

J'uma vist che la Giunta, an Cumên-na,
finalment, dop tont temp, a l'è pronta;
girla e votla l'è 'n mache 'na gionta,
ma ch'ui gionta l'è semp Pantalòn.

Sti brav frà ch'jon semp tonta pasiensa
con i giuvu e coi veg, cùi ch'i venu,
(e 'v na parl, us pò nent fen a menu,
perchè i mustru a fè ben da pertût),

J'on avì, sti brav frà, u nov capitul,
per elegi i sò cap, senza borij,
j'on nent fac tont ciadèl nè tont storij
ant la radio o 'nt la television;

Salûtuma i frà veg i frà giuvu,
sûperiùr, inferiùr, messeseia,
cùi davsèn e 'nche cùi ch'i son veja,
o ch'i vivu 'nt la tera 'd misiòn.

J'on bità 'nt i giardèn 'na vaschèta
con degli ochi, ch'i novu là 'n dreuta,
ma la gent, a uardè, la va nenta
perchè d'ochi ui n'è mûg anche 'n gir.

Ant el mond j'on fac prèstu a risolti
la quistion del custûm ans'el spiagi:
u "due pessi" el va nenta: bon viagi!
e csè 'lmenu i na bûtu in toc sul;

U sa s-ciama "toplès" cul toc ciapa
e l'è l'ûltma vergogna, un bso dili:
us pò nent esi popul civili
sensa 'n poc ad decensa e 'd mural!

Ant la Fronsa u j'è 'l gran maresciallo
con in nas long trei meter o quater
che 'l vo fè semp divers da tûc i ater,
l'ha 'na sùca ch' lè pes 'd Toni fis;

Ma De Gaulle a l'auris, con la Fronsà,
duminè tût l'Europa unita...
Dop Benito, Adulfu e Nikita
ui mancava pû 'n mac cul nason!

Gram Kruscèv, j on fac fè u sout d'el babi;
ant la Rûsia u jè 'n poc d'aria grama:
Iur, el cap, vo di nent me ch'us ciama,
ogni tont il tron for d'ant 'i pè.

Con l'Italia i vont nenta d'acordi
cula gent, ch'i ston là 'nt u Tirolo:
J'on drubà fina el bombi e u tritolo
per fè vighi ch'i voru la pas.

E Berlino l'è semper spartija
an doi toc da 'na brûta miraja:
un bso iesi birbont e canaja
per dividi i fradè dai fradè.

E 'nt el Congo, e a Cuba, e an Asia:
quoncia popul rangià per el festi;
resta inûtil mandè del prutesti
fin che l'odi u trionfa 'ns l'amur.

L'è tost ura che i cap 'd tûc i Stati
is bitijsu na mon 'ns la cusiensa
e i cmenseisu a mustrè 'n poc 'd pasiensa
con i popul sbardlà 'n tût el mond.

L'è parig ch'la mustrà u Siur Mesia:
auris ben tût la gent, 'd tût el teri,
mai pi 'nsên ch' l'aba 'n ment d'fè del gueri
perchè suma, 'nt el mond, tûc fradé.